



皇宋十朝綱要目錄

第一卷

太祖

第二卷

太宗

第三卷

真宗

第四卷

仁宗



第五卷

仁宗

第六卷

仁宗

第七卷

英宗

第八卷

神宗

第九卷

神宗

第十卷上

神宗

第十卷下

神宗

第十一卷

哲宗

第十二卷

哲宗

第十三卷

哲宗

第十四卷

哲宗

第十五卷

徽宗

第十六卷

徽宗

第十七卷

第十八卷

徽宗

第十九卷

徽宗

欽宗

第二十卷

高宗

第二十一卷

高宗

第二十二卷

高宗

第二十三卷

高宗

第二十四卷

高宗

第二十五卷

高宗

皇宋十朝綱要目錄終

皇宋十朝綱要卷第一

眉山李壘編

太祖啟運立極英武睿文神德聖功至明大孝皇帝諱
 匡胤宣祖第二子母曰 昭憲皇后杜氏後唐天成
 三年丁亥歲二月十六日生于西京夾馬營仕周為
 殿前都點檢歸德軍節度使顯德七年正月四日受
 周禪年三十四乾德元年十一月上尊號曰應天廣
 運仁聖文武至德開寶元年十一月加號應天廣運
 聖文神武明道至德仁孝九年十月二十日崩于萬

歲殿年五十太平興國二年四月二十五日葬于永

昌陵左河南府永安縣謚曰英武聖文神德廟號太

祖大中祥符元年十一月加謚曰啓運立極英武聖

文神德立功大孝五年閏十月加今謚

年號三

建隆四

乾德五

開寶九

皇后三

孝惠皇后賀氏

右千牛衛率府率思景之女晉開

王德昭賢肅賢靖二大長公主顯德五年正月

三日薨享年三十建隆三年四月追冊為皇后

孝明皇后王氏

彰德軍節度使饒之女周顯德六

年八月立為皇后生皇子一人皇女二人皆早

世乾德元年十二月七日崩于滋德殿享年二

十二謚曰孝明陪葬安陵祭別廟

孝章皇后宋氏

左衛上將軍邢國公偓之女乾德

六年立為皇后太宗即位號開

寶皇后太平興國二年居西宮雍熙四年徙東

皇子四

滕王德秀

元符三年三月追賜名

明綱要

卷一

二

燕王德昭

乾德三年六月授貴州防禦使開寶六年九月授山南西道節度使檢校太傅

同中書門下平章事太平興國元年十一月改永興軍節度使兼侍中封武功郡王班宰相上

三年十一月加檢校太尉四年八月薨贈中書令追封魏王謚曰懿真宗即位贈太傅仁

宗即位贈太師明道二年十一月改封吳王英宗即位追封越王元符三年三月追封燕王

舒王德林

元符三年三月追賜名太師尚書令封舒王

秦王德芳

開寶九年三月授貴州防禦使太平興國元年十一月授檢校太傅山南西道

節度使同中書門下平章事三年加檢校太尉六年三月薨贈中書令追封岐王謚曰康惠

真宗即位贈太保仁宗即位贈太師明道二年九月加贈尚書令英宗即位追封楚王元

符三年三月追封秦王

公主六

申國大長公主

元符三年三月追封申國大長公主主政和四年十二月改封安惠大

長帝 姬

成國大長公主

元符三年三月追封成國大長公主主政和四年十二月改封顯惠大

長帝 姬

永國大長公主

元符三年三月追封永國大長公主主政和四年十二月改封宣惠大

長帝 姬

魏國大長公主

開寶三年六月封昭慶降左衛將軍王承衍九年十月進封鄭國淳

化元年正月改秦國至道三年五月進封長公主大中祥符元年五月薨賜謚賢肅元符三年三

月追封秦國賢肅長公主改封賢肅大長帝姬

魯國大長公主

開寶五年閏二月封延慶降左衛

化元年中祥符二年正月進封大長公主進封長公

堯賜諡賢靖元符三年三月改封魯國

陳國大長公主

開寶五年七月封永慶降右衛將

化元年正月改齊國至道三年五月進封魏國淳

長公主咸平二年四月薨賜諡正惠乾興元年

祐三年二月追封大長公主元符三年三月追

宰相六人

范質

王溥

魏仁浦

趙普

薛居正

沈義倫

參知政事四人

薛居正

呂餘慶

劉熙古

盧多遜

樞密使五人

魏仁浦

吳廷祚

趙普

曹彬

樞密副使五人

趙普

李處耘

王仁贍

沈義倫

楚昭輔

使相三十三人

皇弟延美

皇子德昭

符彥卿

王景

趙普

王晏

李洪義

郭從義

郭崇

侯章

武行德

王彥超

周行逢

向拱

張承德

慕容延釗

楊承信

韓令坤

孫行友

石守信

高懷德

王審琦

吳延祚

李繼勳

錢俶

孟昶

錢謀

錢惟濬

李彝典

高保融

曹元忠

李筠

李重進

三司使八人

張美

薛居正

李崇矩

趙玘

沈倫

楚昭輔

呂餘慶

張澹

學士八人

陶穀

竇儼

王著

李昉

扈蒙

竇儀

歐陽迥

盧多遜

舍人院十人

扈蒙

趙逢

王瑩

盧多遜

張澹

高錫

王著

王祐

李昉

李穆

御史中丞三人

邊歸讜

劉溫叟

邊光範

進士

建隆元年取進士楊礪等一十九人

建隆二年取進士張去華等一十一人

建隆三年取進士馬適等十五人

建隆四年取進士蘇德祥等八人

乾德二年取進士李景陽等八人

乾德三年取進士劉察等七人

乾德四年取進士李肅等六人

乾德五年取進士劉蒙叟等十人

乾德六年取進士柴成等十一人

開寶二年取進士安德裕等七人

開寶三年取進士張拱等八人

開寶四年取進士劉寅等十人

開寶五年取進士安守亮等一十一人

開寶六年取進士宋準等一十一人

係下第人徐士廉打鼓論

榜詔於講武殿重試通放二十六人
取試官李昉秩御試自此始

開寶八年取進士王嗣宗等三十一人

外改廢置州府

建隆元年復以安州為安遠軍華州為鎮國軍

兗州為泰寧軍復建貝州為永清軍以鎮

州孃子閔置承天軍以莫州清苑縣置保塞

軍

建隆二年改明州望海縣為奉國軍

建隆四年降朗州武平軍為團練州

乾德元年以樂平縣置平晉軍 降潭州武安軍

為防禦州 乾德二年以襄州穀城縣置光化軍 以楊揚迎

鑿鎮置建安軍 乾德三年改通州為達州 復以洽州為懿州

復以南州為漳州 建北海軍為維州 外華

州為鎮國軍 降果州永寧軍團練州

乾德四年改梓州為靜戎軍 以彭州導江縣灌

口鎮置永安軍 改閬州保寧軍為安德軍

乾德五年建隨州為崇義軍 金州為昭化軍

建耀州為感義軍 以簡州金水縣置懷安軍

建麟州為建寧軍

乾德六年改玳州為高州

開寶二年以揚州高郵縣置高郵軍 以渠州渠

江縣置廣安軍

開寶三年廢海州東海監 以萬州梁山縣置梁

山軍 以滄棣界保順吳橋兩鎮置保順軍

開寶四年以容州為寧遠軍

十一月開安

卷一

十一月開安

卷一

十一月開安

開寶五年以江陵府長林縣置荆門軍 以鳳州

七房鎮銀冶置開寶監 建密州為安化軍

廢嶺南澄賓潯鬱富明康繡禺順牢黨春勤等

十四州 廢壁州為通江縣 建宿州為保靜

軍 密州安化軍 節度復為防禦州 以通

江縣復為壁州 復置康州 建耀州為感義

軍 改振州為崖州

開寶六年復以密州為安化軍 廢瀧州復置春

潯賓三州

咸州軍

開寶八年降江寧府為昇州 以昇州當塗縣為

平南軍 建潤州鎮海軍為鎮江軍

開寶九年降申州為義陽軍

誕節

長春

神御殿

皇武

皇太后

輒賜

身毒

終宿

開寶六年... 契丹... 太祖... 庚申... 建隆元年... 契丹主述律應歷十年... 正月辛丑朔契丹合北漢入寇周帝命上領宿衛諸將禦之軍校苗訓見日下復有一日黑光久相磨盪

太祖

庚申建隆元年

契丹主述律應歷十年

正月辛丑朔契丹合北漢入寇周帝命上領宿衛諸將禦之軍校苗訓見日下復有一日黑光久相磨盪癸卯大軍出爰景門是夕次陳橋驛將士相與發謀策上為天子甲辰衆扶上上馬擁逼南行上攬轡誓諸將以無得凌暴少帝太后及公卿大臣及縱兵大掠劫府庫等乃整軍自仁和門入秋毫無所犯侍衛馬步軍副指揮使韓通自內庭奔歸將率衆備禦

散負都指揮使王彥昇遇之遂殺之上詣崇元殿行
禪代禮奉周帝為鄭王 乙巳建國號為宋改周顯
德七年為建隆元年大赦戊申贈韓通中書令仍以
禮葬之 己酉有司議立四親廟 鎮州言契丹北
漢軍皆遁去

二月乙亥尊上母南陽郡太夫人杜氏為皇太后宰
相范質加侍中王溥加司空魏仁溥加右僕射 宋
州以歸德軍旌節來上詔置於潛龍宅

三月壬戌有司上皇高祖廟號僖祖皇曾祖廟號順

祖皇祖廟號翼祖皇考廟號宣祖 共有司言國家受
周禪周木德生火合以火德王色尚赤臘用戊

四月癸酉詔以判太常寺竇儼新定二舞十二樂曲
并樂章付有司行之 棣州刺史何繼筠追破北戎
於固安獲馬四百疋 乙酉浚蔡河 昭義軍節度
使李筠叛降北漢遣兵襲澤州殺刺史張福 戊子
命侍衛馬步軍副都指揮使石守信殿前副都點檢
高懷德率兵討之

五月己亥朔日食 北漢主劉鈞軍於太平驛遣其

平章事衛融宣徽使盧贇將兵救筠，率其衆南下，與石守信等遇於長平，守信等大破之，盧贇溺死。救大會寨。丁巳，下詔親征李筠。己未，上發京師。甲子，守信懷德破筠衆三萬於澤州，獲北漢偽河陽節度范守圖，降其援兵數千人，盡殺之。筠遁入澤州。六月己巳，車駕至城下。辛巳，上親率衛兵急攻賊城，破之，獲河東偽宰相衛融，李筠赴火死。乙酉，北伐潞州。丁亥，筠子守節以城降北漢，主鈞聞之遁。

歸澤潞平。府州折德宸拔北漢沙谷寨，斬首五百級。

秋七月戊申，上至自澤潞。

八月甲申，立皇后王氏，頒新量衡於天下。

九月己亥，昭義軍節度李繼勳率兵入北漢界，焚平遙縣。戊申，以淮南節度兼中書令李重進為平盧軍節度，賜以鐵券，荆南節度使太傅兼中書令南平王高保融卒，弟保勗襲位。貶中書舍人趙遵為房州司戶。李重進叛，求援於南唐，主不敢受詔侍。

衛馬步軍副都指揮使石守信殿前都指揮使王審
琦宣徽北院使李處耘保信節度宋延渥率兵討之
放還邊將所獲北漢民數萬人還其國

冬十月壬申河決棣州猷次縣晉州言兵馬鈴轄
鄭州防禦使荆罕儒襲北漢汾州戰沒北丁亥下詔

親征李重進

庚寅上發京師

十一月丁未次揚州城下即日拔之重進盡室登子
城東樓自焚揚州平乙卯南唐主景遣使來犒師

庚申又遣其子偽蔣國公從鑑朝貢

十二月丁亥至自揚州是月偽泉州節度留從效
上表稱藩

辛酉建隆二年

契丹主述律應歷十一年

正月戊申以揚州行宮為建隆寺丁巳發開封府
陳許民夫數萬導葵水南入潁分遣常參官詣諸
州度民田

二月辛未發曹單丁夫數萬人浚五丈河南唐主
景遷都南昌己丑詔竊盜賊滿三千者死乙卯
禁民二月至九月採捕蟲魚彈射飛鳥

三月丙申夕內酒坊火酒工焚死者三十餘人內酒坊使左承規副使田處嚴並棄市酒工五十餘人悉命斬於諸門 甲辰北漢寇麟州守將擊走之 閏月戊辰以殿前都點檢慕容延釗為山南東道節度自是殿前都點檢遂不復除授 夏四月癸巳朔日食 庚申詔寬鹽麴法 五月甲戌金州防禦使仇超判官左扶坐斷獄故入人死罪超除名扶配登州沙門島自是人始知奉法 六月甲午皇太后杜氏崩 南唐主景卒於南昌子

煜立以喪還金陵

七月庚午始用趙普之謀命侍衛馬步軍都指揮使石守信殿前副點檢高懷德殿前都指揮使王審琦侍衛馬步軍都虞候張令鐸皆罷軍職出領諸節度 壬申以皇弟泰寧軍節度兼殿前都虞候太宗為舊名為 開封尹同平章事

八月庚子削奪義武軍節度同平章事孫行友官爵遣閤門副使武懷節執送闕下

九月甲子契丹解利等來降 以江寧節度荆南行

十朝綱要 卷一
軍司馬高保勗為荆南節度

冬十月戊戌禁邊民出塞盜戎人馬 丙午葬明憲

皇后于安陵

十一月晋州言敗北漢軍於汾西獲馬牛馱數千計

十二月潞州言敗北漢軍千餘眾斬首百二十級獲

偽遼州刺史傳廷彥弟勲

壬戌建隆三年

契丹主述律應歷十二年

正月甲戌發民廣皇城東北隅 庚辰詔州縣不得
役逆旅僑居民為逋夫募卒以代之

二月庚寅詔翰林學士文班常參官各舉堪為賓佐
令錄一人後有罪連坐 甲午詔翰林學士及文班
常參官以次轉對 甲寅北漢寇潞晋二州守將擊
走之

三月初令大辟奏案刑部詳覆以止藩鎮專殺泉州
留從效卒養子紹鎡襲位

四月衙將陳洪進誣紹鎡謀歸兩浙執送南唐立大
將張漢思為留後己為副使 乙巳追冊會稽郡夫
人賀氏為皇后 北漢寇麟州主將楊重勳擊走之

五月增修大內

六月壬寅秦州言蕃部尚波于等千餘人渡渭為寇擊走之

秋七月壬戌放南唐降卒數千人

八月乙未復置拔萃科

九月秦州吐蕃尚波于獻伏羌縣地 壬申詔修武

成王廟

冬十月乙酉朔始賜文武常參官冬服 癸巳有司上新刪定循資格長定格編勅武平軍節度使用周行

遼卒子保權集位

十一月甲戌荆南節度使高保勗卒姪繼冲襲位

十二月詔強盜賊滿三千足陌者處死 癸亥復置

縣尉 癸亥詔諸縣賊盜鬪訟令縣令尉復領其事

自萬戶至千戶置弓手有差鎮將唯得掌郭內 甲

辰衡州刺史張文表襲潭州執殺司馬廖簡自稱權留後事保權命其將楊師璠禦之且來乞師 是歲

周鄭王居於房陵

癸亥乾德元年

契丹主述律應歷十三年

正史綱要 卷一
正月庚申命山南東道節度慕容延釗等發安復等州兵會襄陽以封張文表未至文表請降尋為楊師璠等禽殺之

二月壬辰延釗等至荆南高繼冲舉族歸朝得州三縣十七 王師既收荆南益發兵趨朗州周保權始惧乃為拒守計延釗等進討之破三江口寨克岳州三月戊寅克朗州獲保權盡平湖南之地得州十五監一縣六十六以兩道諸州縣為荆湖路 癸酉定常行杖法笞杖徒流各有數 置義倉每稅一石別

輪一斗

四月庚寅鑿池於朱明門外以習水戰 辛酉行應天曆 湖南行營言辰錦溪叙州各奉牌印歸順 重鑿砥柱三門 初置通判以分節度刺史之權或節度使刺史有闕則以文臣權知諸州 泉州留後張漢思諸子謀殺陳洪進不克洪進廢漢思而代之 五月壬子復增脩大內

六月裁定武成王配享諸將外三十三人降二十二人 初命朝臣知縣

七月丙辰邢州節度王全斌獲北漢生口數千來獻
武平軍節度周保權詣闕待罪釋之以為右千牛
衛上將軍 己卯頒刑統編敕

八月壬午王全斌等率師攻北漢樂平縣拔之 戊
子北漢靜陽十八寨首領相率來降 河決齊州

己亥幽州政溝閔使柴廷翰來降

九月戊寅北漢誘契丹兵攻平晉軍遣洺州防禦使
郭進等率兵救之未至寇遁去

冬十月庚辰詔天下造板籍及戶帖鈔

十一月泉州留後陳洪進請內屬許之仍以詔諭江
南 甲子上合祭天地於圜丘以宣祖配大赦改元
詔防禦團練刺史州舊有都督府號者並停仍為
上州

十二月甲申皇后王氏崩 遣內客省使曹彬通事
舍人王繼筠分詣晉潞州會二節度兵入北漢境攻
其邊邑及遼石二州

閏月乙亥府州言敗北漢軍數千人擒偽將楊璘
國子司業太常博士聶崇義上言請以赤帝為感生

帝築壇祭以正月 初置形勢稅簿

甲子乾德二年 契丹主述律應歷十四年

正月初聽選人四時參選不冬俟集 發民治鄆州

遙隄 戊子范質罷為太子太傅王溥罷為太子太

保魏仁溥罷為左僕射 庚寅樞密使檢校太保趙

普為門下侍郎同平章事集賢殿大學士 壬辰詔

自今不限內外職官前資見任黃衣布衣等並許詣

闕進狀應賢良方正等三科

二月戊申遣昭義節度李繼勳攻北漢遼州偽大將

郝貴超來板擊敗之 刺史杜延韜以城降契丹六

萬騎來援又擊走之 導淇水入京城合閔河 戊

寅浚閔河

三月辛卯北漢魏耀州團練使周審玉等四人來降

夏四月乙卯改葬宣祖及昭憲皇后于安陵孝明孝

惠二后祔葬 乙丑初置參知政事以薛居正呂餘

慶為之

六月河南北陝西蝗

八月辛酉詔於京師及松江各置擁貨務令商旅入

金帛於京師執引詣松江給茶

九月客省使丁德裕等攻廣南柳州克之 府州節

度使折德辰卒以其子御勳知府州事自是世襲知

府州 蜀主孟昶遣間使以蠟書遺北漢謀連兵入

寇 四月昶遣使告蜀主孟昶曰

十一月命忠武軍節度王全斌為鳳州路都部管自

鳳州道侍衛馬軍都指揮使劉光義為歸州路副都

部管將兵三萬自歸州道伐蜀

十二月丁巳涼州來請帥以供備庫使魏彥饒為河

西軍節度 王全斌等克興州偽刺史藍思綰退保

西縣敗蜀兵七千衆 壬申拔三泉寨敗蜀軍數萬

人

乙丑乾德三年 契丹主述律應歷十五年

正月劉光義等克夔州偽節度使高彥疇自焚死王

全斌等拔小漫天寨蜀人退保大漫天全斌進破之

連敗其大將王昭遠遂克利州癸未又克劔州擒昭

遠劉光義克萬施開忠四州乘勝至遂州偽知州陳

愈以城降 甲午偽蜀主孟昶遣使伊審証持表詣

軍門請降 丙申兩川平得州四十六縣二百四十
為西川路自全斌等發京師至昶降凡六十六日
二月癸卯王全斌殺降卒二萬餘人于城都夾城中
三月乙未以西蜀降卒為義懷恩懷愛軍是月兩川
盜賊群起詔所在討之
夏四月丙辰以西川感化耀武軍並為虎捷軍 戊
午導五丈河水入宮城

五月丙戌孟昶入見

六月甲辰以孟昶為中書令秦國公庚戌昶卒

八月戊戌朔令天下長吏擇本道兵驍勇者籍其名
送都下 河決陽武縣 庚申文明殿成
九月丙子閱諸道兵得萬餘人置驍雄雄武兩軍河
決澶州

十一月庚午詔京師衢肆事有非常者左右街使即
以聞 契丹寇易州

十二月丁酉始令婦為舅姑服三年 己亥令川峽
諸州監軍巡檢不得與州縣事

丙寅乾德四年

契丹主述律應歷十六年

正月丁亥命客省使丁德裕等領兵討西川餘寇
己丑北漢寇邊命西北諸鎮出師以禦之

二月癸卯刑州羅彥瓌敗北漢兵於靜陽斬首千餘
級擒偽將鹿英等

三月廢義倉

四月庚戌修崇元殿成改曰乾元殿 壬子契丹偽

天德軍節度于延超與其子仁愛來降

六月河決澶州觀城縣 王全斌破賊帥全帥雄於
灌口擒其黨二千人 丙午詔自今內官湏及三十

以上許養一子士庶不得以童男養為官者

七月丁亥聽州縣官各置奉戶月輸錢五百

八月乙卯河決滑州壞靈河大隄遣韓重斌等發夫
卒數萬人塞之

閏月丙寅王全斌破賊帥呂翰克雅州翰為部下所
殺

九月以虎捷指揮使孫進等二十七人附呂翰為亂
恣行殘忍捕送闕下斬之

十一月癸丑詔寬鹽禁

十二月庚辰民張龍兒與衛士楊密等共為妖幻圖
不軌事覺伏誅是歲初用和峴議以景表尺造律
下王朴樂一律

丁卯乾德五年

契丹主述律應歷十七年

正月戊戌發畿內及鄰州民夫數萬治河隄
三月丙午趙普加左僕射進昭文館大學士 辛亥
北漢石盆寨指揮使闞章以寨降是月五星如連
珠在降婁之次
五月北漢洪唐寨指揮使樊暉殺監軍成昭以寨降

六月戊午朔日食 丙子令諸州通判鈐轄都監使
臣不得受節度使私給

八月衛州河溢入城殺數百人

九月夏州節度李彝興卒子光叡襲位

十二月丙辰禁惡錢行濫魚帛

戊辰開寶元年

契丹主述律應歷十八年

正月甲午發近甸丁夫治東京城 北漢偏城寨指
揮使任守恩等一百五十人來降

三月癸巳鎮州言破北漢馬鞍山寨殺數百人

四月丙子晉州言北漢軍校翟洪貴等二百餘人來降

五月丙午江南饑以麥十萬斛賜之

六月癸卯詔申戒西川諸道百姓祖父母父母在子

孫別籍異財

七月鎮州言北漢烏玉寨主胡遇等來降 是月北

漢主劉鈞死養子繼恩立

八月戊辰命昭義軍節度同平章事李繼勳為河東

行營前軍都部管率步軍都指揮使党進等將兵擊

北漢 九月辛卯李繼勳等敗北漢軍二萬眾於洞渦河斬

獲甚眾 北漢供奉官侯霸榮弑其主繼恩偽宰相

郭無為殺霸榮立繼恩弟繼元

十月丙子錢俶遣其子建武軍節度惟濬來朝

十一月癸卯上祀天地于圜丘大赦改元 是月詔

自今親享太廟別設牙盤食 契丹以兵來拔北漢

李繼勳等引歸北漢因入寇大掠晉絳二州之境

己巳開寶二年 契丹主明記寶寧元年

十月綱要 卷一 三

春正月壬寅遣殿中侍御史李瑩等十八人分往諸
 州調發軍儲赴太原
 二月乙卯命宣徽南院使曹彬侍衛步軍都指揮使
 党進等各率兵伐北漢
 甲子上自將發京師
 三月甲申河東行營前軍都部管李繼勳敗北漢兵
 於城下
 戊戌上次太原
 癸卯偽憲州判官史昭
 文以城降
 丙午決晉祠水灌太原
 四月辛亥遣海州刺史孫方進圍汾州
 契丹兩道
 出兵救北漢
 壬子石嶺關部管何繼筠敗契丹於

陽曲北擒偽武州刺史王彥符來獻

五月癸未北面都部管韓重贇敗契丹於定州北

甲申壅汾水入新隄灌太原城
 戊子詔初令獄官

於盛夏洒掃獄戶洗滌杻械貧不能自存者給食

甲午北漢偽嵐州刺史趙洪以城降賜名文度
 庚

子北漢偽麟州刺史折也羅以城降

閏月戊申太原南城陷水注城中
 劉繼元殺其宰

相郭無為
 壬子太常博士李光贊上書乞早日鑾

上覽奏善之癸丑移幸城東
 己未徙北漢民萬餘

家於山東。庚申分諸軍屯澤潞軍校趙翰等率諸軍班衛士叩頭願乘城急擊以盡死力上曰我寧不得太原城豈忍驅汝曹冒鋒刃而蹈必死之地衛士皆感泣壬戌班師。六月辛卯南唐主煜遣其弟從謙來貢。癸巳上至自太原。八月庚辰靈武節度馮繼業舉族內徙。九月乙巳以考功郎中段思恭知靈州。是秋契丹偽涿州刺史許周瓊來降。

十月丁亥詔自今西川山南荆湖等道舉人往來給券。庚寅散指揮都知杜延進等十九人謀作亂事覺伏誅。契丹藏才十六族酋長王甲率衆歸附置豐州以處之。戊戌易州言契丹右千牛衛將軍王承美來降。是歲契丹主述律為帳下所殺國人立其伯父兀欲之子明記偽號天贊皇帝改元保寧。

庚午開寶三年

契丹主明記保寧二年

正月癸丑發畿內民夫數萬治河決隄

四月辛未朔日食

庚子除河北諸州監禁聽通商

收稅令三司凡上供物非土產者勿抑配
五月置便錢務

七月壬子詔西川管内州縣官宜以戶口為率差減
其負舊俸外月增給五千
丙辰減諸道州縣官負
如西川之制
上命南唐主煜招喻廣南主劉鋹
不聽因其使龔謹儀

九月己亥以潭州防禦使潘美為賀州道行營兵馬
都部管將兵伐廣南
甲辰詔修補前世帝王陵為
亂兵所毀者
壬子潘美等敗廣南軍萬餘衆克富

州

十月克賀州

十一月克昭桂二州
癸亥判四方館事田欽祚破

契丹于遂城
潘美等破廣南軍於封州開建縣擒
其將靳暉

十二月庚午克連州
戊子又敗廣南軍萬餘人克韶
州
癸巳發近甸民二萬修河隄

辛未開寶四年

契丹主明記保寧三年

正月潘美等克英雄二州
丙午罷諸道攝官
契

丹萬餘騎寇易州監軍任義擊走之

二月丁亥潘美克廣州擒劉鋹廣南平得州六十縣

二百一十四詔以幕職州縣官缺多人少初令特

放選仍聽超折注擬

四月庚寅李煜遣其弟從謙來貢以嶺南僭崖振萬

安等四州隸瓊州令廣州擇官吏往知州事

五月乙未諸將以帛係劉鋹及偽官先獻太廟太社

上御明德門鋹至楼下伏地待罪詔釋之以為恩赦

侯斬其偽官龔澄樞薛崇譽等 壬甲卒以其子承

美知豐州事自是世襲知豐州

六月丙子御史中丞劉溫叟等上開寶通禮二百卷

十月癸酉日食 甲申詔自十月後犯強竊盜者不

得與郊赦

十一月李煜遣弟從善來貢始去唐號改印文為江

南國印 癸未上祀天地于圜丘始用繡衣鹵簿大

赦 癸亥川班直四十人搥鼓訴賞悉斬之遂廢其

班 河決澶洲泛數州澶州通判姚恕生死知州杜

審肇免官

壬申開寶五年 契丹主明記保寧四年

正月府州言北漢軍寇方山雅爾兩寨擊之浚閔

河

二月江南主始損制度下令稱教

閏月上使江南進奉使李從善致書國主風之入朝

國主不從但增歲貢

四月以水災遣左司員外郎侯陟等四人乘傳分視

民田

五月壬戌河決澶州濮陽縣廢嶺南媚川都禁民

采珠 是月上以霖雨出後宮女五十餘人 河決

大明府朝城縣

六月河決開封府陽武縣 汴水決宋州穀熟縣

戊申命穎川團練使曹翰發民夫三萬六千卒一萬

五千塞陽武決河又發夫卒數萬塞濮陽決河

八月己亥廣州行營都監朱憲大破獠賊二萬餘衆

於容州

九月丁巳朔日食

十月己未英州言大破獠賊

十朝綱要
卷一
癸酉開寶六年

契丹主明記保寧五年

正月癸酉發民夫治魏縣河堤

三月周鄭王俎謚曰恭 帝始御殿親閱試進士等

科皆賜及第 壬午以閔河為惠民河五大河為廣

濟河 融州修河卒叛殺長吏知高州范可鄆率高

潘二州民吏擊破之

四月辛丑翰林學士盧多遜等上新修開寶通禮義

纂一百卷 癸丑初選令錄簿尉為堂後官

五月癸亥交州丁璉始遣使來貢 戊寅以璉為靜

海軍節度

六月癸未朔京城左右軍巡院始改任士人 隰州

巡檢使李謙溥率兵入北漢界拔七寨 河決鄆州

楊劉口又決懷州獲嘉縣 壬寅詔西川諸州以足

帛折稅並準市價 壬寅始詔參知政事呂餘慶薛

居正升都堂與宰相同議政事更知印押班

七月壬子改諸州馬步院為司寇院置司寇參軍

八月甲辰趙普罷為使相

九月己巳參知政事薛居正為門下侍郎樞密副使

沈義倫為中書侍郎並平事章居正監修國史義倫
集賢殿大學士

十二月參知政事盧多遜上長定等格自是銓總益
有倫 是歲江南主殺其內史舍人潘佑

甲戌開寶七年

契丹主明記保寧六年

二月庚辰朔日食

七月壬子南丹州酋帥莫洪晉遣衛將陳紹規來求
內附

九月遣左拾遺知制誥李穆使江南召李煜入朝煜

辭以疾乃議出師討之命潁川團練使曹翰宣徽南
院使曹彬等將舟師自荆南沿江而下伐江南

閏十月己酉破江南兵 丙辰克池州 甲子彬等

克蕪湖當塗二縣

十一月彬等破江南兵二萬衆於采石磯造梁於采
石磯以濟軍又敗之於新林寨 辛丑契丹涿州刺
史耶律琮以書遺知雄州孫全興求通好上命全興
答之

十二月曹彬等破江南兵五千人於白鷺洲

乙亥開寶八年

契丹主明記保寧七年

正月甲戌曹彬等破江南兵於新林港 丁丑知晉州武守琦奏破北漢兵於洪洞縣

二月丁未曹彬拔升州城南水寨 丁卯行營都監

潘美等破江南軍數千衆於秦淮中

三月己亥契丹初遣使克妙骨謹思奉書來聘

四月黃州刺史王明等破江南軍於江州 曹彬等

克昇州闕城 庚午吳越王錢俶克常州

五月辛巳錢俶言江南寧遠軍及緣江軍寨皆降

河決濮州郭龍村

六月曹彬等破江南軍二萬人於昇州城下 河決

澶州頓丘縣 甲子有彗出于柳

七月辛未朔日食 庚辰初遣西上閣門使郝崇信

太常丞呂端使契丹

八月丙午封交州丁璉父部領為交趾郡王 昇州

東南路行營都監丁德裕破潤州軍五千人於城下

九月壬申克潤州

十月己亥李煜遣其臣徐鉉周惟簡來乞緩師 壬

寅命修西京宮闕始謀西幸 戊午侍衛步軍都虞
侯劉遇等破江南三萬衆於皖口

十一月己巳李煜等遣徐鉉等再奉表乞緩師 辛
卯王明破江南軍萬衆於湖口

十二月己亥曹彬等克昇州擒李煜江南平得州十
九軍三縣一百八群臣入賀上泣曰攻城之際必有
橫罹鋒刃者此實可哀即以米十萬石振城中飢民

辛亥契丹始遣使賀來年正 錢俶請赴長春節
朝覲許之

丙子開寶九年

契丹主明記保寧八年

正月戊辰朔辛未曹彬遣使奉露布以江南主李煜
及其子弟偽宰相湯峴等四十五人來獻上御明德
門煜等素服紗帽俯伏待罪詔釋之 乙亥封煜為
違命侯 庚辰詔以後月幸西京以四月內有事於
南郊

二月癸卯群臣三上表請加尊號上以燕晉未平不
允 庚戌契丹始遣使來賀長春節 丁巳作禮賢
宅 己未吳越王錢俶及其子惟濬來朝

三月辛未做辭歸留惟濬侍祠 壬午上乘步輦告
享太廟 丙子上發京師 庚辰謁安陵 辛已至
西京

四月庚子雩祀於圓丘還御五鳳門大赦都民垂白
者相謂曰我輩少經離亂不圖今日復覩太平天子
儀衛有泣下者始上欲遷都洛陽起居郎李符上書
陳八難晉王亦言非便上曰吾欲據山河之險以去
冗兵晉王之言固善姑從之不出百年天下民力殫
矣 甲辰遂下詔東歸 辛亥至自西京 己未詔

自今旬假不視事賜百官休沐 甲子曹翰等克江
州擒偽將宋德明胡則

八月丁未詔侍衛馬軍都指揮使党進為河東行營
都管 丙辰分兵五路討北漢

九月丙寅党進等破太原軍數千 忻代路郭進奏
得山後諸州民三萬七千餘口

十月癸丑上崩于萬歲殿皇弟晉王即皇帝位 乙
卯大赦 夏州李克歡奏破北漢吳保寨斬首五百
級擒寨主侯遇 詔諸場務不聽人添額買撲

十一月戊辰罷天下俸戶 庚申薛居正加左僕射
進昭文館大學士沈倫加右僕射進監脩國史參知
政事盧多遜為中書侍郎平章事集賢殿大學士
十二月甲寅上御乾元殿大赦改元帝以親政踰月
特與天下更始非故事也 是歲高麗國王昭卒弟
佺襲位

皇宋十朝綱要卷第一

皇宋十朝綱要卷第二

眉山李壘編

太宗至仁應道神功聖德文武睿烈大明廣孝皇帝諱
景宣祖第三子母曰 昭憲皇后杜氏晉天福四年
己亥歲十月七日生於開封府浚儀縣崇德坊護聖
營官舍初名匡又建隆元年改名光義為殿前都虞
侯睦州防禦使八月遷泰寧軍節度使二年七月加
同中書門下平章事乾德二年六月加兼中書令開
寶六年七月封晉王九年十月二十日即位改今諱

年三十八太平興國三年十一月上尊號曰應運統
 天聖明文武六年十一月加號應運統天眷文英武
 大聖至明廣孝端拱二年十二月詔省去尊號淳化
 元年正月群臣復上尊號曰法天宗道三年三月二
 十九日崩于萬歲殿年五十九十月十八日葬于永
 熙陵在河南府永安縣謚曰神功聖德文武廟號太
 宗大中祥符元年十一月加謚曰至仁應道神功聖
 德文武大明廣孝五年閏十月加今謚
 年號五

太平興國九 雍熙五 端拱三
 淳化六 至道四

皇后四

淑德皇后尹氏 滁州刺史廷勛之女早薨太平興
 國元年十一月追冊為皇后謚曰

淑德陪葬永安陵祭別廟元豐六年七月十二日升祔太廟太宗室

懿德皇后符氏 魏王彥卿之女國初封汝南郡夫
 人建隆二年九月進封楚國乾德

六年改封越國開寶八年十一月追冊為皇后謚三十四太平興國元年十一月追冊為皇后謚

曰懿德陪葬永安陵附太廟太宗室

明德皇后李氏 淄州刺史處耘之女太平興國二
 年七月入宮雍熙元年十二月立

為皇太后生皇子一人早世至道三年四月尊為皇太后景德元年三月十五日崩于萬安宮年四十五謚曰明德陪葬太宗室

元德皇后李氏 乾州防禦使贈安國軍節度使常山郡王英之女開寶初封隴西縣

君太平興國初封隴西郡夫人 漢王元佐 真宗皇帝又皇子三人皇女二人皆早世二年

三月十二日崩年三十四至道三年五月追封賢妃十二月追尊皇太后咸平元年正月謚曰

元德初葬晉安院三年四月陪葬 永熙陵 別廟太宗祥符六年七月去太字升附太廟

室太宗

嬪妃九

貴妃孫氏 左金吾衛大將軍守斌之女太平興國三年七月入宮三年三月為才人又賜

號貴妃 八年

貴妃臧氏 江南李煜宮人煜卒入宮太平興國八年九月自御侍為縣君端拱三年四月

年正月美人至道三年七月進昭容大中祥符六年

年四月進順儀天禧二年九月進淑儀乾興元年

大長公主

貴妃方氏 初封新安郡君天禧二年九月為美人 乾興元年四月進婕妤天聖九年十一月

年十一月昭媛卒年八月關明道元年十月贈淑妃生荆

主元儼

德妃朱氏 淳化二年七月自御侍為縣君四年十月

入道為脩容大祥符六年進昭容賜號明真
大師名正惠七年進昭儀天禧二年九月進淑
容乾興元年四月進淑儀改名冲惠明道二年
十一月進太儀是月進賢妃景祐二年卒慶歷
四年九月

賢妃高氏 太平興國二年三月入宮三年三月為
才人至道三年七月為修容又為昭容

大中祥符六年進昭儀天禧二年九月進淑容
乾興元年四月進淑儀卒年二月關明道二年十
二月進太儀慶歷
四年九月

賢妃邵氏 初事藩邸及即位授司衣博陵縣君
御侍押班邵夫人再遷尚宮冀國夫人

知大內事真宗初為鄭國夫人大中祥符二年
遷宮正安國夫人六年為司宮令楚國夫人八
年年十一月加號順容九年二月卒明道二
年年十二月贈太儀慶曆四年九月贈賢妃

淑儀李氏 淳化初為尚宮久在宮掖事無巨細悉
主之四年卒贈昭儀明道二年十二月

贈淑容慶曆四年
年九月贈淑儀

淑儀吳氏 右屯衛將軍延保之女太平興國四年
二月入宮五年為美人真宗初進昭

容景德四年卒明道二年十二月
贈淑容慶歷四年九月贈淑儀

皇子八

漢王元佐 初名德崇太平興國七年七月出閣授
檢校太傅同中書門下平章事封衛王

八年十月改名元佐進封楚王雍熙二年被疾
九月坐縱火廢為庶人至道三年六月授左金

吾衛上將軍檢校太尉復封楚王在完養疾咸
平五年十一月授左羽林軍上將軍景德二年

十一月進檢校太師右衛上將軍大中祥符元
年十一月授守太傅右衛上將軍四年四月加

守	十二月	加	尚書令	五年	十一月	加	守	太師	七年
上	正月	改	元州	賜	履	上	殿	詔	書
年	正月	改	元州	賜	履	上	殿	詔	書
三	月	改	元州	賜	履	上	殿	詔	書
翔	收	追	封	齊	王	諡	曰	恭	憲
封	元	符	三	年	三	月	追	封	漢
王	元	符	三	年	三	月	追	封	漢
昭	成	太	子	元	僖	初	名	德	明
事	封	廣	平	郡	王	改	名	元	佑
熙	三	年	七	月	改	名	元	佑	八
拱	元	年	四	月	進	封	許	王	加
一	月	薨	贈	太	子	諡	曰	恭	孝
成	曰	昭							
商	王	元	份	初	名	德	嚴	太	平
高	王	元	份	初	名	德	嚴	太	平
成	曰	昭							

事	封	奠	王	雍	熙	三	年	七	月	改	今	名	端	拱	元	年	四	
月	授	威	武	軍	節	度	使	兼	侍	中	封	越	王	淳	化	四	年	
正	月	兼	領	建	寧	軍	節	度	使	兼	侍	中	封	越	王	淳	化	
鎮	東	軍	節	度	真	宗	即	位	改	永	興	鳳	翔	節	度	檢		
校	太	尉	兼	中	書	令	封	雍	王	咸	平	五	年	十	一	月	加	
守	太	傅	景	德	二	年	八	月	薨	贈	太	師	尚	書	令	追	封	
年	九	月	諡	曰	恭	靖	仁	宗	即	位	改	封	陳	王	明	道	二	
三	年	三	月	追	封	潤	王	英	宗	即	位	追	封	魯	王	元	符	
追	封	商	王															
越	王	元	傑	初	名	德	和	太	平	興	國	八	年	二	月	改	今	名
封	益	王	端	拱	元	年	四	月	授	劍	南	東	西	兩	川	節	度	
兼	侍	中	淳	化	五	年	二	月	改	淮	南	鎮	江	軍	節	度	使	
封	吳	王	至	道	二	年	二	月	改	淮	南	忠	正	軍	節	度	使	
中	書	令	改	封	兗	王	咸	平	五	年	十	一	月	加	守	太	保	
六	年	七	月	贈	太	尉	尚	書	令	追	封	安	王	諡	曰	文	惠	

仁宗即位贈太師明道二年九月追封邢王
英宗即位追封陳王元符三年三月追封越王
鎮王元偓軍端拱元年三月授檢校太保左衛上將軍

節度使真宗即位加同中書門下平章事封
彭城郡王咸平五年十一月加檢校太傅景德

二年十一月改靜難彰化軍節度進封寧王大
中祥符二年正月改護國軍節度檢校太尉兼

侍中四年改德安國軍節度加中書令進封
相王五年十一月加守太傅七年十月加守太

尉八年十一月加尚書令天禧元年二月改
成德鎮寧軍節度加尚書令兼中書令進封徐

王二年五月薨贈太師尚書令追封鄧王謚曰
恭懿葬日真宗作挽詞贈之仁宗即位改

楚王元偁軍端拱元年二月授檢校太保右衛上將
即位追封韓王元符三年三月追封蘇王英宗

節度使真宗即位加檢校太尉同中書門下
平章事封安定郡王景德二年十一月授宣德
保寧軍節度改封舒王大中祥符二年正月改

平江鎮江軍節度檢校太尉兼侍中四年四月
改鎮南寧國軍節度加兼中書令五年十一月

授守太保七年四月薨贈太保尚書令追封曹
王謚曰恭惠仁宗即位贈太師明道二年九月

三月追封華王英宗即位追封蔡王元符三年
封楚王

周王元儼軍至道三年四月授檢校太保左衛上將
節度使五年十一月加檢校太傅封廣陵郡王大

德二年年十一月加檢校太傅封廣陵郡王大
祥符二年正月授昭武安軍節度封榮王十四

年四月加兼侍中改安靜武信軍節度五年十
一月加省武信軍節度降封端王十一月授鎮

年五月加省武信軍節度降封端王十一月授鎮

海安化軍節度封彭王天禧元年二月加守太	保改鎮海天平軍節度八月加守太傅改永清	橫海軍節度封王乾興元年三月加守太尉尚書	軍節度封涇王乾興元年三月加守太尉尚書	令鎮安忠武軍節度封定王賜贊拜不名天聖	五年十二月賜詔書不名七年九月進封鎮王	八年二月賜劍履上殿詔書不名明道元年	十一月如太師河陽三城武成等軍節度進封	益王尋換京兆尹兼鳳翔尹永興鳳翔節度進	封荆王二年十一月授雍州牧兼鳳翔節度進	二年十二月改荆州楊州牧荆南淮南節度大	使賜入朝不趨慶曆三年十月感疾仁宗	臨問如家人禮手自調藥慰撫四年正月薨贈	天策上將軍充徐二州牧封燕王謚曰恭肅比	葬三臨其喪英宗即位追封	吳王元符三年三月追封周王	崇王元億幼薨號十七太保至道三年六月英宗賜
--------------------	--------------------	---------------------	--------------------	--------------------	--------------------	-------------------	--------------------	--------------------	--------------------	--------------------	------------------	--------------------	--------------------	-------------	--------------	----------------------

即位追封左衛上將軍安定郡王元符三年
 三月贈太師中書令兼尚書令追封崇王

公主七

滕國大長公主 元符三年三月追封滕國大長主
 政和四年十二月改封和國大長

徐國大長公主

帝 姬
 正月改魏國十月薨賜謚曰英惠至道三年六
 月追封燕國長公主景祐三年二月追封大長
 公主元符三年三月改封徐國政和

揚國大長公主

至道三年五月進封魯國降左衛將
 平五年五月進封魯國降左衛將
 軍柴宗慶大中祥符二年正月改韓國四年七
 月改衛國六年正月改徐國天禧二年八月改

福國乾興元年三月進封晉國賜謚和靖元符三年三月
二月改封楊國政和四年十月
二月改封和靖大長帝姬

雍國大長公主 至道三年五月封賢懿長公主咸
平六年六月降右衛將軍王貽永

進封鄭國景德元年四月薨賜謚懿順景祐三
年二月追封大長公主皇祐三年七月進封韓

國元符三年改封懿順大長帝姬
年十二月改封懿順大長帝姬

衛國大長公主 至道三年五月封壽昌長公主大
中祥符二年正月進封陳國九月

改吳國號報慈正覺大師名清裕四年七月改
楚國六年正月改邠國天禧二年八月改建國

乾興元年二月封申國大長公主天聖二年五
月薨賜謚慈明元符三年三月改封衛國政和

四年十二月改封
慈明大長帝姬

邠國大長公主 太平興國七年八月出家為尼號
圓明大師八年五月薨至道三年

五月追封曹國長公主景祐三年二月追封大
長公主元符三年三月改封邠國大長公主

荆國大長公主 至道三年五月封萬壽長公主大
中祥符元年十二月進封隋國降

右龍武軍將軍李遵勉四年七月改越國六年
正月改宿國天禧三年八月改鄂國乾興元年

二月進封冀國大長公主明道元年十一月改
魏國皇祐三年六月薨追封齊國賜謚獻穆元

符三年三月改封獻穆大長帝姬
年十二月改封獻穆大長帝姬

宰相九人

薛居正 沈倫 盧多遜

趙普 宋琪 李昉

呂蒙正 張齊賢 呂端

參知政事二十三人

盧多遜 竇偁 郭贄

宋琪 李昉 李穆

呂蒙正 李至 辛仲甫

王沔 張齊賢 陳恕

賈黃中 李沆 呂端

蘇易簡 趙昌言 寇準

向敏中 張洎 李昌齡

溫仲舒 王化基

樞密使四人

曹彬 楚昭輔 石熙載

王欽顯

樞密副使十二人

楚昭輔 石熙載 柴禹錫

王顯 弭德超 王沔

張宏 趙昌言 張齊賢

張遜 溫仲舒 寇準

知樞密院事三人

張遜

柴禹錫

趙鎔

同知樞密院事七人

溫仲舒

寇準

劉昌言

李惟清

趙鎔

向敏中

錢若水

簽書樞密院事五人

石熙載

張齊賢

王沔

楊守一

張遜

使相十二人

皇弟廷美

皇子德芳

皇子德昭

皇子元份

皇子元佐

皇子元僖

皇子元份

皇子元傑

趙普

石守信

錢俶

向拱

張永德

高懷德

曹彬

李繼勳

潘美

宋偓

錢惟濬

陳洪進

趙保忠

三司使二十二人

王仁瞻 侯陟 王明

宋琪 陳從信 郝正

許仲宣 張卓 張遜

魏玉 郭贄 李惟清

徐休復 陳恕 樊知古

魏羽 李昌齡 張雍

魏庠 董儼 王延德

張鑑

學士院十七人

李昉 湯悅 徐鉉

扈蒙 李穆 宋白

賈黃中 呂蒙正 李至

蘇易簡 李沆 韓禹丕

畢自安 錢若水 張洎

宋湜

舍人院三十三人

扈蒙 李穆 張洎

王克正 郭贄 宋白

錢隣幾

賈黃中

呂蒙正

李至

王祐

高冕

趙昌言

韓玉

徐休復

蘇易簡

宋準

范杲

宋湜

王化基

李沆

田錫

胡旦

王禹偁

向敏中

畢士安

柴成務

呂祐之

王旦

錢若水

馮起

和嶮

張秉

御史中丞十一人

侯陟

滕中正

劉保勳

辛仲甫

趙昌言

張宏

李巨源

王化基

朱昌齡

李昌齡

許龍驤

進士

太平興國二年取進士呂蒙正等一百九人

賜御詩

太平興國三年取進士胡旦等七十四人

太平興國五年取進士蘇易簡等一百二十一人

太平興國八年取進士王世則等二百三十九人

雍熙二年取進士梁顥等二百五十八人唱名自此始

端拱元年取進士程宿等二十八人葉齊論勝

進士端拱二年取進士陳堯叟等一百八十六人賜御製箴

淳化三年取進士孫何等三百五十三人

外改廢置州府

太平興國元年改隨州崇義軍為崇信軍 滑州

義成軍為武成軍 定州武義軍為武定軍

定州義武軍為定武軍 陝西保義軍為保平

軍 耀州感義軍為感德軍 涇川彰義軍為

彰化軍 潞州昭義軍為昭德軍 瓜州歸義

軍為歸化軍 義州為儀州南義州為南儀州

富義監為富順監義陽軍為信陽軍

太平興國二年以鄂州永興縣置永興軍 以潞

州亂柳新築城置威勝軍 以鎮州廣陽寨置

平定軍 以延州保安鎮置保安軍 以曹州

定陶鎮置廣濟軍 以平南軍為太平州復福

州彰武軍為威武軍降温州靜海軍為軍事

太平興國三年 詔以廬州無為監置無為軍

改蘇州平吳軍為平江軍 改梓州靜戎軍為

安靜軍 改泉州清源軍為平海軍 改杭州

衣錦軍為順化軍 改鄂州永興軍為興國軍

改永安軍為永康軍 以秦州清水縣銀冶

置太平監 以泗州連水縣置連水軍

太平興國四年 以并州廣陽縣置平定軍 廢隆

州 以宣州廣德縣置廣德軍 改建武軍為

建昌軍 以建州邵武縣置邵武軍 廢晉平

軍 以并州并城縣置大通監

太平興國五年 廢順化軍

太平興國六年 以保寨軍為保州 以易州大

保寨置平寨軍 以易州宥戎鎮置靜戎軍

以霸州淤口寨置破虜軍 以涿州歸信縣新

鎮置平戎軍 降成都府為益州 廢沁州

太平興國七年 以星子縣置南康軍 以徐州

下邳縣置淮陽軍 以嵐州寧化縣置寧化軍

以滄州永安縣置乾寧軍

太平興國八年 以嵐州雄勇鎮置火山軍 以

海門鎮置天平軍

雍熙二年廢靜安軍

雍熙三年升房州為保康節度 廢深州

雍熙四年復置深州 以定州博野縣置寧邊軍

端拱元年外建州為建寧軍 改麟州建寧軍為

鎮西軍 復潭州武安軍節度 以滑黎州陽

縣置通利軍 復以益州為成都府劍南西川

節度

端拱二年改梓州安福軍為劍南東川節度

淳化元年以大庾縣為南安軍 改婺州武勝軍

為保寧軍 廢江陰軍

淳化三年以瀛州唐興寨置順安軍 復置江陰

軍

淳化四年以廬州巢縣置無為軍 析嵐州地置

定羗軍

淳化五年降成都府為益州 以石堡寨置威塞

軍 以通遠軍復為環州 以鷄城寨置清遠

軍 改青州平盧軍為鎮國軍 改杭州鎮海軍為寧海軍

至道元年以原州高平縣置鎮戎軍

至道二年以三泉縣置大安軍 廢天長軍

誕節

乾明又改壽寧

神御殿

大定

太宗

丁丑太平興國二年

契丹主明記保寧十年

正月丙寅命禮部員外郎賈黃中等分掌左藏三庫

懼進士呂蒙正等一百九人第一等第二等進士

及第皆除京官通判諸州以興文教抑武事庚辰詔

以美名易禁軍舊號鉄騎曰日騎龍捷曰龍衛虎捷

曰神衛控鶴曰天武

二月上改今名 初置淮南榷茶場 用轉運使礬

若水言置銅錢監於昇鄂等州鑄銅錢銷鉄錢為農

斬右監門衛率府副率王繼勳於洛陽市

四月乙卯葬太祖于永昌陵

七月河決温縣又決滎澤又決頓丘發夫卒塞之

諸道大水

閏七月甲寅發潭州兵擊梅山洞蠻

八月丙寅陳洪進入朝用知懷州高保寅右拾遺

李翰之言初令藩鎮支郡悉屬京師長吏得專奏事

九月詔錢以七十七為百禁江南新小錢築講

武臺大閱於楊村

十一月丁亥朔日蝕是歲知靈州安守忠通遠軍

使董遵誨出兵討平界外諸蕃族

戊寅太平興國三年 契丹主明記保寧十一年

正月甲午詔絳州浹汾河發唐鄧民夫數萬人及諸

州卒萬人自襄漢鑿渠抵京師渠成而水不行

二月丙辰朔建三館於昇龍門東北賜名崇文院總

三館書籍秦川奏西羌寇邊使者任德明將兵擊

走之始鑿金明池

三月己酉吳越王俶入朝

四月乙亥初置諸道轉運判官 已卯陳洪進表獻
所有州二縣十四 庚辰懷州河決獲嘉發夫卒塞
之

五月吳越王俶表獻所有州十三軍一縣八十六為

兩浙路 壬寅夏州節度李克勳卒子繼筠襲位

戊申秦州判官李若愚之子飛雄謀反族誅

六月汴梁決寧陵詔發宋亳民夫塞之又發畿內民

夫塞汴口

九月甲申上御講武殿覆試進士始加論一首自是

常以三題為準

十月置內藏庫掌藏經費之餘以待非常之用 河

決靈河發夫卒各數萬塞之

十一月丙申上祀天地於圓丘配以太祖大赦

十二月三司諸案各置推延官 是歲行太平興國

編勅

已卯太平興國四年 契丹主明記乾亨元年

正月庚寅詔宣徽南院使潘美為北路都招討使雲

州觀察使郭進為副將兵伐北漢

二月甲子上自將發京師

三月庚辰朔至真定乙未分兵攻嵐州契丹救

北漢寇石嶺關郭進邀擊大破之

四月壬戌上發真定嵐州行營都監折御卿奏破

哥嵐軍乙丑諸將破隆州己巳破嵐州庚午

上至太原

五月癸未幸城南督諸將急攻北漢主繼元出降河

東悉平得州十軍一縣四十一為河東路戊子毀

太原舊城為平晉縣以榆次縣為并州庚子上發

太原

六月甲寅詔發河北京東芻粟赴北面行營欲乘勝

取幽州庚申上發真定北征丁卯至易州刺史

劉宇降戊辰涿州降庚午上至幽州破契丹衆

於城北斬首千餘級

七月庚辰知順州劉廷素辛已知薊州劉守恩相繼

來降癸未督諸將攻城不克士卒疲頓甲申班師

乙巳上至自幽州夏州節度李繼筠卒弟繼捧

襲位

十朝綱要 卷二
八月癸亥詔潘美將兵屯三交口以備契丹 河決
宋城縣發民夫塞之 是月武功郡王德昭自殺
九月河決汲縣 乙酉詔內衣庫使張紹勅等將兵
屯定州以備契丹 夾江獻玄石二 初聽銅鐵入
蜀 契丹寇鎮州監軍李繼隆都鈐轄劉延翰合擊
大破之於滿城追奔至遂城斬獲甚衆
十一月己亥嵐州奏破契丹千餘衆於三交口 辛
丑忻州奏破契丹數千衆 閏南又奏破契丹數萬
衆斬首萬餘級

十二月改司寇參軍為司理參軍

庚辰太平興國五年

契丹主明記乾亨二年

正月作天駟監左右各二廐以左右飛龍使為左右
天廐使閑廐使為崇儀使 庚寅改端明殿學士為
文明殿學士以禮部侍郎程羽為之 發民夫治衛
州澶濮州河陽
二月寄嵐軍言雜虜二百五十戶內屬
三月癸巳潘美與知代州楊業合破契丹於雁門殺
其偽侍中蕭咄李禽偽馬步軍都指揮使李重誨劉

張卒

閏三月庚午三交口雜虜二百餘戶內屬
四月癸未代州言雜虜二百餘戶內屬 是月沙州
歸義軍節度使曹元忠卒其子延祿自稱兵馬留後
遣使脩貢詔以為節度使 上以丁璉阻兵專地
七月丁未遣蘭州團練使孫全興等為陸路兵馬部
管寧州刺史劉澄為水路兵馬部管分兩道將兵討
之

十月戊寅命萊州刺史楊重進等將兵屯關南亳州
刺史蔡玉等將兵屯定州善州刺史盧漢贇等將兵
屯鎮州以備契丹 交趾丁璉卒弟璿尚幼大將黎
桓幽丁氏宗族專制國事

十一月桓以璿表求襲兄位稱藩入貢不報 己酉
上以契丹數為寇自將擊之 壬子發京師 癸丑
關南奏破契丹 戊午上至大名雄州奏契丹遁去
十二月上因契丹遁去遂欲進攻幽州翰林學士李
昉等上奏乞還師上納其說即下詔南歸 庚申發
大名 乙酉上至自大名 辛卯交州行營奏破交

趾兵

辛巳太平興國六年

契丹主明記乾亨三年

正月辛亥易州奏破契丹兵

三月壬戌交州行營奏破交趾兵於白藤江口知邕州侯仁寶輕進戰沒孫全興不救擅還花步下獄伏誅水路兵馬部管劉澄賈湜並戮於邕州市轉運使周渭不待報班師詔嘉之

五月己未以歲旱大赦

六月甲戌薛居正卒丙子平塞軍奏破契丹兵

七月丙午詔諭渤海共擊契丹

九月乙未朔日食丙午詔中書舍人郭贄等考校在京京朝官功過材器以中書所下闕負類能擬定引對而授之謂之差遣院辛亥太子太師趙普為司徒兼侍中昭文館大學士平章事易州破契丹兵

十月甲午蘇州太乙宮成

十一月甲辰改武德司為皇城司辛亥上祀天地于圓丘大赦

十二月戊辰詔江浙川廣路職官等舊不許挈家者
自今許以期功親一人隨行至治所毋得預事

壬午太平興國七年

契丹主明記乾亨四年

三月癸巳朔日食 丁璿遣使謝罪

四月戊辰盧多遜責授兵部尚書下御史獄 丙子
太子太師王溥奏多遜及秦王廷美交通願望呪咀
大逆不道宜行誅滅 丁丑詔多遜削官流崖州廷
美勒歸私第多遜親吏趙白閻密王繼勳等皆斬於
都門之外 庚辰沈淪責授工部尚書罷知政事

五月契丹三道入寇 辛丑高陽閔奏破契丹於唐

興口府州奏破契丹于新澤 己酉夏州李繼捧入

朝獻其地得州四縣八詔遷其族於京師其弟繼遷
叛入地斤澤 辛亥三交奏破契丹萬餘衆 丙辰

降秦王廷美為涪陵縣公安置房州

六月河決臨濟縣 葺舒州司命真君祠為靈仙觀

初置譯經院

七月河決范濟口

八月己卯罷劔南權酤及民輸兩稅權課先令輸銅

錢者仍輸鐵錢

十月壬申河決武德 己卯行乾元曆

十二月戊午朔日食

閏月庚寅豐州奏契丹日利等十一族七萬餘帳內
附 刺史王承美擊契丹破之禽其節度使葦太
丁酉詔諸州徒流入勿復送闕仍不得輒奏案牘
是歲契丹主明記殂在位十五年其子隆緒立終十
二歲 高麗國王佃卒以其弟治襲位
癸未太平興國八年 契丹主隆緒統和元年

正月酒坊使弭德超上急變誣告樞密使曹彬它事
上頗疑之戊寅罷彬為天平軍節度使

二月戊子朔日食

三月豐州奏破契丹兵 癸亥分三司各置使 諸

皇及皇子府初置咨議翊善侍講等官 用江南轉

運使張齊賢言定江南鑄錢法歲以三十萬貫為額

五月河決滑州房村灌澶濮曹濟諸州東南流至徐
州界入淮發卒數萬民夫千餘治之 丁卯作太一

宮於蘇村 黎桓廢丁璿自稱交州三使留後始遣

使入貢上賜詔書因而撫之令遣丁璿母子入朝桓
不聽命

六月甲午河南奏穀伊洛瀍水溢溺死者以萬計秋
諸路大水

八月辛亥詔自今軍國政要並委參知政事李昉撰
錄樞密院令副使一人纂集每季送史館

九月癸丑朔置江淮水陸發運使於京師

十月置都進奏院罷諸州知後官 戊戌趙普罷為
武勝軍節度使侍中

十一月壬子以刑部尚書參知政事宋琪工部尚書
參知政事李昉並同平章事 己未太一宮成

十二月癸卯滑州奏房村決河已塞 戊申宥州奏
李繼遷入寇巡檢李詢擊走之是歲初命著作郎呂

文仲侍讀經史禁中

甲申雍熙元年 契丹主隆緒統和二年

正月壬戌房州言涪陵縣公廷美卒

三月己未滑州奏河復決發卒五萬人塞之

四月乙酉泰山父老千餘人復詣闕請封禪 戊子

群臣上表請封禪 甲午詔許之

五月庚戌除江南鹽禁 丁丑乾元文明二殿災

六月丁丑詔求直言 壬寅詔罷封禪

七月壬子改匭院為登聞檢院

十月庚寅夏州奏擊李繼遷破之俘一千四百餘帳

繼遷遁去獲其母妻 華山隱士陳搏賜號希夷先

生 壬辰嵐州獻一角獸

十一月丁卯上祀天地于圓丘復配以宣祖大赦改

元

十二月庚辰宋琪進門下侍郎昭文館大學士李昉
進中書侍郎監脩國史 丁亥悉罷嶺南采珠場
壬辰立皇后李氏

乙酉雍熙二年 契丹主隆緒統和三年

二月乙未李繼遷詐降殺都巡檢使曹光實

三月己未覆試殊科梁顥已下三百十八人並唱名

賜及第唱名賜第自此始

四月丙申夏州行營破李繼遷黨悉利族獲其代州

刺史折罷遇 丙子名宰執以下三館學士宴於後

苑賞花釣魚釣魚曲燕自此始

六月辛卯麟州奏雜虜四十七族內屬爰羅賦等十四族拒命擊破之

九月庚戌楚王元佐坐縱火廢為庶人安置均州
丁巳群臣上言請留元佐京師凡三請許之元佐行至黃山召還寘于南宮使使者監護不通外事

閏九月坊州獻一角獸

十二月唐子朔日食 丙辰宋琪罷為刑部尚書

丙戌雍熙三年

契丹主隆緒統和四年

正月庚寅上將北伐詔天平軍節度使曹彬為幽州行營水陸都部管彰化軍節度米信為西北道都部管河陽三城節度崔彥進副之將兵出雄州侍衛步軍都指揮使田重進為定州都部管將兵出飛狐
二月壬子詔忠武軍節度使潘美為雲應州都部管雲州觀察使楊業副之將兵出雲朔州三道並進
三月癸酉曹彬破契丹于固安新城降 丁丑田重進破契丹于飛狐北潘美自西陞入追契丹至寰州破之 庚辰寰州刺史趙彥章降 辛巳曹彬拔涿

州潘美圍朔州節度副使趙希贊舉城降癸未
田重進破契丹禽其西南面招安使大鵬翼乙酉
曹彬破契丹于涿州南丁亥潘美至應州節度使
艾正舉城降辛卯田重進圍飛狐防禦使呂行德
舉城降又進圍靈丘守將穆超以城降
四月辛丑潘美拔雲州田重進破契丹于飛狐北
壬寅曹彬米信之師破契丹于新城東北乙卯
田重進至蔚州左右都押衙李存章殺契丹酋蕭
啜里及守卒千人舉城降

五月城中老弱奔重進軍詔重進還軍定州庚
午曹彬等再往攻涿州兵疲食盡退軍至歧溝關北
為契丹兵追及我師大敗彬等收餘軍宵涉巨馬河
營於易水之南上召彬等歸闕趙普上疏切諫北伐
上手詔優荅之丁丑詔徙雲應寰朔州吏民於河
東許汝間令潘美以所部兵護之
六月戊戌朔日食上以諸將違詔失律作自責詩
謂樞密王顯等曰卿等共視朕自今後作如此事否
七月庚午曹彬等貶秩有差

八月契丹陷寰州潘美等敗於陳家谷楊業戰歿契丹復據雲應朔州

十月庚申授黎桓本軍節度

十二月己亥田重進奏攻拔歧溝關 壬寅翰林學

士宋白等上文苑英華一千卷 丙午瀛州都部管

劉廷遜與契丹戰於君子館全軍敗沒廷遜以身免

先鋒將賀令圖楊重進陷於虜 代州副部管盧贇

破契丹於土塔寨

丁亥雍熙四年

契丹主隆緒統和五年

正月契丹長驅入深祁陷易州殺酋甚衆魏博之北

咸被其禍上深哀痛 丙戌降德音

四月遣使往河北南募丁壯為義軍京東轉運使李

維清三上疏爭之宰相李昉等陳王元僖皆上疏並

請停罷元僖乞於河朔諸州點集上納其言併水陸

路發運為一司

五月庚辰改日騎為捧日

七月置三班院

十二月庚寅詔自今歲命春官知貢舉如唐室故事

戊子端拱元年

契丹主隆緒統和六年

正月上親畊籍田 大赦改元

二月乙未改左右補闕為左右司諫左右拾遺為左右正言 庚子李昉罷為右僕射山南東道節度魚侍中趙普為太保兼侍中給事中參知政事呂蒙正為中書侍郎兼戶部尚書並同平章事普昭文館大學士蒙正監脩國史

三月甲子下詔求言 乙亥鄭州團練使侯莫陳利用以左道得幸怙寵僭侈肆為不法宰相趙普於上

前發其姦詔除名配商州尋賜死 復通北邊互市

禁緣邊戍兵無得輒恣侵掠務令安靜

五月初置祕閣於崇文院 辛未賜李繼捧姓名為

趙保忠 壬申授夏州定難軍節度管夏銀綏宥靜

五州使招討李繼遷 授河南府法曹參軍梁正辭

楚丘縣主簿喬蔚等五人並為將作監丞充中書堂

後官堂吏拔選人授京官為之自此始

八月戊寅錢俶卒 庚辰幸國子監令博士李覺講

易泰卦

十月初置龍神衛捧曰天武四廂都指揮使以澄州防禦使范廷召黎州防禦使孔守正為之癸未詔天下勿復以鷹犬來獻

十一月定州都部管李繼隆監軍袁繼忠破契丹於唐河

十二月辛未趙保忠言李繼遷請降以繼遷為銀州刺史繼遷竟不至

己丑端拱二年

契丹主隆緒統和七年

正月癸巳詔文武群臣各陳備邊禦戎之策改軍

頭司為御前忠佐引見司

二月癸亥命左諫議大夫陳恕等為營田使戊辰

以國子監為國子學

七月戊子彗星出東井上避殿減膳都巡檢使尹

繼倫擊破契丹於唐徐二河之間殺虜相皮室其大

將干越被傷遁走

八月丙辰御乾元門大赦是日彗不見

十月置入中倉

十二月庚申上命省去尊號曰皇帝兼稱己為不可

朕欲稱王但嫌與諸子同耳

庚寅淳化元年

契丹主隆緒統和八年

正月戊寅改元
戊子趙普罷為河南尹守太保兼
中書令

二月辛酉詔自今游燕宣召直館其集賢校理直祿
閣等並令預會

四月戊申夏州趙保忠奏破李繼遷兵

八月保忠又奏破繼遷於安慶澤又奏破繼遷於王
廷鎮

十二月辛酉詔自今中外所上書疏及面奏事制可
者並送中書樞密院三司覆奏然後頒行

辛卯淳化二年

契丹主隆緒統和九年

正月丙子命高州團練使翟守素將兵屯夏州助趙
保忠守禦
乙酉置內殿崇班左右侍禁三班奉職
借職

二月癸丑盡去宮殿綵繪塗以堊

閏二月辛未朔日食
命翰林學士賈黃中蘇易簡
幹當差遣院李沆同判流內銓學士領外司自此始

三月己巳上以旱蝗手詔賜宰相呂蒙正等欲自焚
翌日雨蝗盡死

五月乙巳復置折博倉 庚子置諸路轉運司提點
刑獄公事分命司門員外郎董循等十人為之

六月乙酉汴水決浚儀上自臨視督衛士負土塞之
自辰及午水復故道 汴水又決宋州詔發近縣民
夫塞之水又決亳州遂東流

七月丙午李繼遷降授以銀州觀察使賜姓名趙保
吉

八月己卯置審刑院兼置詳議官 右正言度支判

官宋沆王世則洪湛左正言尹黃裳馮拯五人伏閣
上疏請立許王元禧為皇太子上怒其狂率將加竄
殛沆呂蒙正之妻黨蒙正之所擢用

九月己亥詔責蒙正以援引親暱竊祿偷安罷為吏
部尚書命右僕射李昉兼中書侍郎參知政事張齊
賢加吏部侍郎並同平章事 辛丑責宋沆宣州團
練副使繼責黃裳知雍州拯知端州世則知象州湛
知容州

十月上飛白書玉堂之署四字賜學士院

十一月丙申詔內殿起居復令常參官兩人次對

十二月朔始行入閣儀於文德殿 女貞乞發兵平

契丹三柵不許遂歸契丹

壬辰淳化三年

契丹主隆緒統和十年

二月乙丑朔日食

三月戊戌御崇政殿覆試合格進士始糊名考校

乙巳命監鐵判官韓國華直昭文館三司屬官兼直

館自國華始

五月己酉上以歲旱遣常參十七人分詣諸道按決

刑獄是夕雨 辛亥復置理檢院 甲寅始增修秘

閣

六月丁丑黑風晝晦 甲申飛蝗自東北來蔽天徑

西南而去上憂之是夕大雨盡殪 辛卯置常平倉

七月太師趙普卒

八月上飛白書祕閣二字賜祕書監李至 召終南

山隱士种放辭疾不至 上幸祕閣賜從臣及館職

飲既罷又召馬步軍都虞侯傅潛等宴縱觀群書欲

使武將知文儒之盛

十月壬午命戶部侍郎王沔等磨勘京朝幕職州縣官及班行

十一月許王元僖薨追贈太子謚孝恭 詔改郊禮

以來年正月上辛

十二月分左藏庫為左右

癸巳淳化四年 契丹主隆緒統和十一年

正月辛卯上祀天地于圓丘以宣祖太祖並配大赦

二月己未朔日食 壬戌置昭宣使 乙卯遣直昭

文錦韓授等八人分行江淮兩浙陝西等路巡撫

丙戌改磨勘院為審官考課院 青城民王小波等

起為群盜

三月壬子發河北諸州戍兵萬八千人開河北沿邊

塘泊種稻命六宅使何承矩為屯田使以領之

五月戊子詔所舉官改節所舉主陳首 丁未以京

朝官差遣歸審官院幕職州縣官考課歸流內銓

戊申合三司復為一使

六月戊寅命左諫議大夫魏庠知制誥柴成務同知

給事中事凡制勅有未便宜准故事封駁以聞 戊
午張齊賢罷為尚書左丞

八月丙辰朔日食 庚午命樞密直學士向敏中張
詠同知通進銀臺二司公事凡內外章奏按牘謹視
其出入而勾稽焉

九月乙巳以給事中封駁隸通進銀臺司 是秋七
月雨至是不止沉深數尺京城庠舍皆壞民有壓死
者陳穎宋毫間積水害稼尤甚上切責宰輔等

十月河決澶州西北流入御河侵大名府 壬戌罷

諸路提點刑獄司 庚午詔審官院自今京朝官未

歷州縣者不得任知州通判 始分天下為十道兩

京為左右計置三司使二員主之 辛未李昉罷守

右僕射吏部尚書呂蒙正復以本官同平章事

十二月戊申王小波中流矢死衆推其黨李順為帥
有衆萬餘人攻陷蜀邛州永康軍 是歲進封黎桓

交趾郡王

甲午淳化五年

契丹主隆緒統和十二年

正月戊午李順陷漢州己未又陷彭州己巳又陷成

都知府郭載奔梓州李順入據成都僭號大蜀王
靈州奏趙保吉寇邊 癸酉命馬步軍都指揮使李
繼隆為河西兵馬都部管討之 甲戌命昭宣使王
繼恩為兩川招安使討李順

二月命崇儀使尹元率兵由峽路討李順

三月趙保忠奏已與保吉解仇請罷兵上怒命繼隆
移兵擊之保吉夜襲保中帳保忠脫身走還夏州繼
隆克夏州禽保忠送闕下

四月甲申以趙光嗣為夏州團練使高文珩為綏州

團練使 削保吉所賜姓名 乙酉隳夏州故城遷
其民於綏銀等州 丙戌置起居院命史館脩撰梁

周翰掌起居即直昭文館李宗諤掌起居舍人事

壬寅王師克劔州

五月癸丑王師克緜州閬州又克巴州 丁巳克成

都禽李順 丙寅釋趙保忠罪封宥罪侯 辛未王

繼恩雖拔成都而郭門外猶為賊黨所據偽帥張餘
復嘯聚萬餘衆攻陷嘉戎瀘等八州

六月壬午朔如京使白繼贇大破賊於夔州 賊圍

遂州不叛 戊戌峽路行營連破賊於廣安嘉陵合
州俘斬甚衆

七月高麗王治為契丹所攻遣使乞師上以邊甫寧
不欲興兵優詔遣之自是不復入貢 賊圍眉州不
拔 甲戌李繼遷入貢復賜姓名

八月以內班左都知竇神興充莊宅使都知內官領
諸司使始此 中書以王繼恩平蜀有功奏除宣徽
使上曰此乃執政之漸別置宣政使以授之 戊戌
初行淳化編勅 峽路行營復雲安軍趙保吉遣其

弟延信奉表待罪詔撫納之

九月己未改黃門為內侍以黃門班院為內侍班院
壬申以襄王為開封尹改封壽王 丁丑以蜀寇
漸平下詔罪己

十一月丙寅幸國子監幸武成王廟令直講孫奭講
尚書說命三篇

十二月始賀日不食 辛巳命樞密直學士張鎰入
蜀分屯戍兵討捕殘寇蜀民始奠枕 辛丑詔三司
兩京十道復歸三部仍分勾院為三各置一使

乙未至道元年 契丹主隆緒統和十三年

正月戊申朔改元 丙辰上清宮成上謂近臣曰朕在藩邸時先帝所賜甚多悉以營是宮以祈福而庇民也 契丹大將韓德威誘党項自振武入寇府州折御卿擊敗之於子河汭

二月丙午嘉州獲賊首張餘函首送西川行營餘黨皆平 詔諸道節度至刺史不得預金穀刑獄事

四月癸未呂蒙正罷為右僕射參知政事呂端為戶部侍郎同平章事 甲申契丹寇雄州知州何承矩

擊敗之 壬寅趙保吉訴屬羌掠其所部詔禁之

開寶皇后宋氏崩

六月丙戌上遣使諭保吉欲令徙鎮鄜州保吉不奉詔

七月置兩浙江淮發運司

八月壬辰立壽王為皇太子 大赦

九月庚午趙保吉寇清遠軍詔復其姓名 洛苑使白志榮部送芻糧於靈州為李繼遷邀擊於浦河王師敗走志榮僅以身免

十二月丙寅交州丁璿逐節度黎桓 庚辰秋官正
韓顯符上銅渾儀置之司天臺

丙申至道二年 契丹主隆緒統和十四年

正月辛亥上祀天地於圓丘大赦

二月庚辰呂端加門下侍郎兼兵部尚書

四月甲戌朔命侍衛馬軍都指揮使李繼隆為環慶
路等兵馬都部管殿前都虞侯范廷名副之將兵討
李繼遷 乙未詔五品以上官任子自今止賜同學
究出身

五月癸卯繼遷帥萬餘衆攻靈州發陝西民運芻糧
於靈州度沙磧為虜所殺掠及飢渴死者不可勝紀
上降手詔令宰相呂端等各述利害來上參知政事
張洎上疏乞棄靈州上不悅

七月己亥命殿前都指揮使王超為夏綏麟府州都
部管將兵討繼遷 壬子汴水決宋州穀熟縣乙丑
發民夫塞之

閏七月詔自今中書門下只令宰相押班知印其參
知政事殿庭別設埽位次宰相之後非議軍國政事

不得升都堂 癸未詔併三司都憑由司理欠司為
一 廢提點司

九月上部分諸將討繼遷自環慶延夏麟凡五道出兵
己卯王超與范廷召合破繼遷於烏白池斬獲
甚衆繼遷遁去是役也諸將失期超廷召雖捷然亦
困乏終不能擒賊無功而還

十月甲子併三司勾院為一

十一月丙子增司天曆為百二十甲子

丁酉至道三年

契丹主隆緒統和十五年

二月庚子靈州行營破李繼遷萬餘衆繼遷單騎遁
去 辛丑上不豫

三月癸巳上崩于萬歲殿太子即皇帝位始宣政使
王繼恩與參知政事李昌齡知制誥胡旦謀立楚王
元佐頗問上太宗崩繼恩白后至中書召宰相呂端
等議所立端前知其謀即紹繼恩使入書閣檢太宗
先所賜墨詔鎖之遂亟入宮白太后曰先帝立太子
政為今日豈容更有異論后嘿然事始定

夏四月乙未朔大赦 呂端加右僕射監脩國史尊

皇后為皇太后

五月丁卯下詔求言 甲戌貶李昌齡忠武節度行

軍司馬繼恩安置均州 丁亥立皇后郭氏

六月甲辰封皇兄元佐為楚王 追冊莒國夫人潘

氏為皇后

七月詔西邊將吏嚴烽候李繼遷來則驅逐去則勿

追以寬陝西之民

八月西川廣武卒劉旰逐巡檢使韓景祐掠蜀漢等

州為亂招安使上官正鈐轄馬知節討平之

十月丙午李繼遷寇靈州合河都部管楊瓊擊走之

己酉葬太宗于永熙陵

十一月復分三司勾院為三 乙酉廢理檢院

十二月丙申追尊上母賢妃李氏為元德皇太后別

立廟 李繼遷請降復其姓名趙保吉拜夏州定難

軍節度使以夏綏銀宥靜五州賜之 是歲始分天

下為十五路又增三路

平陽十五役入關三歲

軍情或難或易難於陳師五以敵公一軍威揚於

五賊之善難處新期其母必歸治言非夏氏之

十二日甲申並書上日齊武穆公一五德名上

十一日對命三同以新陳三一八日對命

十四日對命

皇宋十朝綱要卷第二



